

SCRIPT OF EVENING GOJRI NEWS BULLETIN 15AUG 1700 HRS

ایونینگ گو جری نیو ز بلیٹن مو رخہ 15 اگست 2025

HEADLINES

- ۱۔ وزیر اعظم نریندر مودی نے اج یوم آزادی غا موقع ور لال قلعہ تیں قومی چندو چاڑ غے آپنی تقریر مانہ۔ اتم نربر بھارت غی ضرورت ور زور دتو۔
- ۲۔ وزیر اعلیٰ عمر عبداللہ نے سرینگر مانہ۔ بخشی سٹیڈیم مانہ۔ قومی چندو شچاڑ غے ریاستی درجہ غی بحالی غی ضرورت ور زور دتو۔
- ۳۔ جموں خطہ مانہ۔ وی یوم آزادی بارے تقریب منعقد کی گئی نائیب وزیر اعلیٰ نے جموں کشمیر غی ترقی بارے حکومت غا وعدہ نانہ۔ دہرایو۔
- ۴۔ کشتواڑ ضلع مانہ۔ بدل پھٹن غا درد ناک واقع تیں بعد بچاؤ کاروائی تیزی نال جاری ہیں مرن آلاں غی تعداد 60 توڑی جاچگی ہے۔

INDEPENDENCE DAY

اج ملک پھر مانہ۔ 79 ووں یوم آزادی غو تہاڑو جوش و خروش سنگ منایو گیو۔ وزیر اعظم نریندر مودی نے دہلی اگ تاریخی لعل قلعہ تیں قومی چھنڈا نانہ۔ لہرایو تے ملک نانہ۔ خطاب کیو یوہ مسلسل 12 ویں سال بے جد اُنہاں نے لعل قلعہ ور پرچم کشائی کی۔ وزیر اعظم نے کہیو کہ یوم آزادی صرف اُمیدیاں تے خواباں غو تہوار نہیں بلکہ 140 کروڑ بھارتیاں گا عزم تے ملک غی مشترکہ کامیابیاں گو فخر و ی ہے۔ اُنہاں نے اتم نربر بھارت ور زور کھلتا واں کہی وکہ اس سال ڈاکٹر شاما پرساد مکھرجی غی 125 ویں سالگرہ وی منائی جارہی ہے جنہاں نے ملک غا آئین واسطے آپنی جان قربان کی اُنہاں نے کہیو کہ حکومت نے جموں کشمیر تیں دفعہ 370 بٹا غے ایک ملک ایک آئین گو خواب پورو کی و تے یوہ ڈاکٹر مکھرجی نانہ۔ سچو خراج عقیدت بے وزیر اعظم نے دسیو کہ حال ہی مانہ۔ ملک نانہ۔ قدرتی آفات زمین کھسکن باد ل پھٹن تے یدیگر حادثات تیں سامنو کرنو پیو بے مرکزی تے ریاستی حکومت مل غے امداد غو کم کر رہی ہے اپنی تقریر مانہ۔ اُنہاں نے جی ایس ٹی اصلاحات 1 لکھ کروڑ روپیہ نوجواناں غا روزگار منصوبہ پردھان منتری وکست بھارت روزگار یوجان دیسی سیمی کنڈکٹر چیپ غی تیاریاں مشن سودرشن چکر غے تحت مقامی ٹیکنالوجی اپنان سنگھ طاس معابد ساف پانی غا ہدف نانہ۔ جلد حاصل کرنو تے مسلح افواج حالیہ آپریشن سندور نانہ۔ سہرایو۔ دنیا بھر مانہ۔ بھارتی سفارت خاناں مانہ۔ یوم آزادی گو جشن منایو گیو۔

J&K I DAY

جموں کشمیر مانہ۔ وی یوم آزادی غ و جشن منایو گیو وزیر اعلیٰ عمر عبداللہ نے سرینگر غا بخشی سٹیڈیم مانہ۔ قومی جھنڈو لہرایو تے بڑا اجتماع تیں خطاب کیو اُنہاں نے کہی وکہ حکومت غو سالانہ بجٹ عوام غی سہولت تے ترقی واسطے بنایو گیو ہے۔ مشن یووا غے تحت 4 لکھ 50 ہزار نوجواناں نانہ۔ روزگار غا متبادل مواقع فراہم ہوا ہیں۔ تے اسمبلی

ممبراں غا ترقیاتی فنڈ نانہ ترے کروڑتیں بدھا غے چار کروڑ کردتو گیو بے تانجے
مقامی ترقیاتی منصوباں تیزویں تے وزیر اعلیٰ نے شہیداں غی یادگار بلیدان ستبنھ
سرینگر مانہ پھل چاڑیا ہیں۔

OMAR STATEHOOD

جموں کشمیر غا وزیر اعلیٰ عم عبداللہ نے کہی و بے جے وے جموں کشمیر ریاست غو
درجو بحال کران غی خاطر اک دستخطی مہم شروع کریں غا جس نانہ عوام غا دستخط
کروان تیں بعد عدالت عظمیٰ غے باندے رکھیو جے گو واضع رہ جے جاتے روز عدالت عظمیٰ
مانہ ریاست غا درجہ غی بھالی و ر عدالت غی طرفوں دتا گیا پہلگام حملہ ور بیان ور عمر
عبداللہ نے کہی و جے یاہ بدقسمتی آلی گل بے جے جموں کشمیر غا لوکاں ناں اکن ایسا
جرم غی سزا دتی جارہی بے جس غے نال اُن گو تعلق نہیں بے یوم آزادی غا موقع ور اج
بخشی سٹیڈیم مانہ آپنی تقریر غے دوران وزیر اعلیٰ نے کہیو جے عدالت عظمیٰ نے
مرکزی حکومت ناں 8 ہفتاں غے اندر جواب دائر کرن بارے کیو بے تے اس خاطر مہاری
حکومت تمام 90 اسمبلی حلقاں مانہ جاغے لوکاں گا ستخط کراوے غی وزیر اعلیٰ نے کہی
و جے کدے عوام نے ریاستی درجہ غی بحالی بارے دستخط ناں کیا تاں وے آپنی بار قبول
کرلیں غا۔

LG INDEPENDENCE DAY

واں یوم آزادی گا موقع ور اج جموں کشمیر غا لیفٹیننٹ گورنر منوج سنہا نے راج بھون 79
سرینگر مانہ قومی چنڈو چاڑ غے سلامی لی اس دوران اُن نے جموں کشمیر غی عوام ناں
آزادی غی مبارک باد دتی ایل جی موصوف نے جموں کشمیر پولیس فوج تیدوجا اُن نیم
فوجی دستاں نانہ خراج عقیدت پیش کیو بے جن نے ملک غی خاظر آپنی جاناں غی
قربانی دتی ہیں واضع رہ جے جاتے روز کشتواڑ ضلع مانہ بدل پھٹن غا درد ناک واقع مانہ
جان گوان آلا افراد ناں خراج عقیدت پیش کرتا واں غم زدہ گُنباں نال ہمدردی ظاہر کی بے یوم
آزادی غا موقع ور مزید بولتا واں جناب سنہا نے کہیو جے ہم سارا مل غے جموں کشمیر
غی ترقی تے اس گا امن واسطے تاریخ سفر مانہ اک جُٹ واں تاں جے جموں کشمیر
ناں اک روشن مستقبل آلی پاسے لے جایو جاسکے۔ ایل جی موصوف نے کہیو
جے مہارا ملک غو چنڈو آسمان مانہ اُڑتو دیکھ غے ہم نانہ فکر محسوس کرنو چاہیے۔

RAIN RAJOURI

ضلع راجوری مانہ لگا تار بو رہی بارش غ وجہ تیں تحصیل دربال گا لیراں گراں مانہ اک
کلو میٹر غے نیڑے سڑک روڈ غے پوری طرح تباہ ہو گئی ہے۔ اس سلسلہ مانہ راجوری تیں
مہارا نمائندہ شکتی شرما نے جانکاری دیتا واں دسیو بے جے مقامی لوکاں تے طالب علم
طبقہ نے جلع انتظامیہ راجوری تے عوامی کماں کاجاں بارے محکمہ غا وزیر سریندر کمار
چوہدری تیں مانگ کی بے جے لیراں تیں راجوری جان آلی سڑک غی مرمت گو کم تعاواں
شروع کیو جے۔

JAMMU I DAY DyCM

پورا ملک غی طرح اج79واں یوم آزادی جموں خطہ مانہ وی منایو گیو جت سب تیں
بڑی تقریب مولانا آزاد سٹیڈیم جموں مانہ منعقد ہوئی جت نائیب وزیر اعلیٰ سریندر کمار
چودھری نے قومی چنڈو چاڑ غے مارچ پاسٹ ور سلامی لی اس موقع ور اپنا خطاب مانہ
اُن نے کہیو جے مہارا آئین غی یاہ ہی خوبصورتی بے جے ہم سارا ناں ترقی تے باختیار
غا برابر مواقع فراہم ویں اپنی تقریر مانہ نائیب وزیر اعلیٰ نے کہی و جے عمر عبداللہ
غی سربراہی آلی حکومت سماج غا تمام طبقات غی پلائی بہتری غے نال نال جموں کشمیر
غا نوجواناں ناں روزگار گا مواقع فراہم کرن غی وعدہ بند بے اس سلسلہ مانہ نائیب وزیر
اعلیٰ نے اس طرح کہیو۔

UDH I DAY

ادھمپور مانہ مرکزی تقریب لڑکاں گا گورنمنٹ پی جی ڈگری لاج مانہ منعقد ہوئی جت
ضلع ترقیاتی کونسل غا چئیرمین لعل چند مہمان خصوصی تھا اُنہاں نے قومی چنڈو
لہرایو تے جموں کشمیر پولیس ت یدیگر 32 دستاں گا شاندار مارچ پاسٹ غی سلامی لی۔
پولیس بینڈ سمیت بے سارا اس قومی تقریب غا حصہ تھا۔

KATHUA I DAY

کٹھوعہ مانہ وی79ووں یوم آزادی گو تہارو جوش و خروش سنگ منایو گیو اس موقع ور
آمدرفت بارے وزیر ستیش شرما نے قومی چنڈو لہرایو۔ اس موقع ور کٹھوعہ غا ممبر
اسمبلی ڈاکٹر بھارت بوشن ڈی ڈی سی چئیرمین کرنل ریتارڈ مہان سنگھ ڈی ڈی سی
وائس چئیرمین رگوندھن سنگھ ڈی سی کٹھوعہ راجیش شرما ایس اسی پی کٹھوعہ
شوبت سکسینا ڈی ڈی سی ممبر سابق فوجی معزز شہری طلبہ تے مقامی لوک بڑی
تعداد مانہ موجود تھا۔

RAJOURI I DAY

راجوری ضلع غا مختلف علاقہ مانہ79ووں یوم آزادی غو تہاڑو جوش و خروش سنگ منایو
گیو۔ مرکزی تقریب ڈی پی ایل راجوری مانہ منعقد ہوئی جت ڈی ڈی چئیرپرسن نسیم
لیاقت نے قومی چنڈو لہرایو تے سلامی لی۔

POONCH I DAY

ملک گا79واں یوم آزادی غا تہارا گا موقع ور جل شکتی جنگلات و ماحولیات تے قبائلی امور
بارے وزیر جاوید احمد رانا نے سپورٹس سٹیڈیم پونچھ مانہ قومی چنڈو لہرایو تے پریڈ
غی سلامی لی۔

ڈوڈہ مانہ وی یوم آزادی غی تقریب جوش و خروش سنگ منائی گئی تاہم پروسے ضلع کشتواڑ مانہ حالیہ بادل پھٹن تیں انسانی جاناں گا ضیاع غے پیشن نظر اس سال تقریبات سادگی غے نال منعقد کی گئی، مرکزی تقریب سپورٹس سٹیڈی ڈوڈہ مانہ ہوئی۔

KISHTWAR CLOUD BUSRT

اواں کشتواڑ ضلع مانہ جاتے روز بدل پھٹن گا درد ناک حادثہ غا سلسلہ مانہ حکومت غی طرفوں بچاؤ کاروائی زور نال کاری ہیں واضع رہ جے وزیر اعلیٰ عمر عبداللہ نے اج یوم آزادی گا موقع ور سرینگر مانہ منعقد تقریب غے دوران اپنی تقریر مانہ کہی وجے اس حادثہ غے دوران 60 انسانی جان ذائع ہو گئی ہیں۔
